

鍾祥縣志

地 260.127  
34  
: 1~10

祥異	倉儲	官署	講水	城郭	凡例	志序	第一卷
坊表	祀典	書院	古河	山川	星野	縣圖	
鄉市	寺觀	鄉約	疆域	漢水	建置	縣圖	

叙

鍾祥舊無專志凡建置沿革疆界土田稅糧  
戶口及古蹟宦蹟人物祥異之屬其畧俱附  
輿志自康熙五年關中程公諱起鵬者來尹  
茲土率同紳士創修之距今將及八十載矣  
歷歲久事愈多前此未有議及續脩者值分  
巡安襄卽道憲曾纂脩三輿志嚴檄督脩

高序

而倉猝未得其人若但沿舊志量增而舛誤  
相承討論未詳草率畢事遺漏復多不唯無  
以仰副上憲盛舉亦何以信今而傳後哉  
爰謀於衆敦請石湖李先生爲之秉筆  
始事戊午春初比歲杪僅得脫稿未及較訂  
而梓人未集復以應聘講業會城者年餘直  
至庚申冬季迺關移黃岡招集梓工越今歲



二月方至逐加較訂付之開雕余閱之其中  
條例如舊壁壘一新集狐腋以成裘穿散錢  
而成貫蓋非一切印版套數也爲之欣然色  
喜而尤有深愜鄙底者據事叙述不支不漏  
或先叙而後議或先議而後叙或叙議兼行  
纓帶幹補用意多仿史漢而於國計民生愷  
切發摠忠孝節義唏噓慷慨俾葑屋無不宣

高序

二

之情守土者可銘座右俾幽遐無不彰之善  
聞風者可以感興每書一事原委瞭然叅合  
對勘從衡映照採摭舊文必註明所自搜羅  
放失必考証不誣且叙事中或藉揚

聖朝之治化或隱寓保泰之良籌不獨專志  
一邑之人與物地與事已也畱心當世之務  
者披卷將自得之余亦不暇悉數是爲序

皆

乾隆六年歲次辛酉秋仲知鍾祥縣事大梁

高世榮撰



高序

三

重脩鍾祥縣志序

地以人而傳亦以人而治一邑之地則一邑之事皆其事一邑之人皆其人也  
善治邑者人和而事舉地為之潤而山川增其秀潤其德為不朽之德其功為不朽之功斯其人為不朽之人此固聖之守土者也竊以治一邑者以敘

其德與功而志一邑者法以其言而善則一邑之人與事皆能寫其真信天下而傳後世一邑之地與其地所產皆能紀其勝瞭然於目而灼然於心斯其言為不朽之言及是則雖有駭偉之品英烈之行與夫山川之靈秀物產之饒裕而以庸瑣之筆寫之及覺黯淡

無色令閱者昏々欲臥擊諸丹青似品  
離塑庸工略得其似令失其真也邑志  
雖小胡可易言脩哉

入久議脩大清一統志部文徧行直隸  
各省脩通志而封疆大人渡檄督各廳  
州縣一時罔不纂脩所屬之志而鍾邑  
高侯以續脩邑志下詢芻蕘雖辭不獲

敘

二

命私念史家三長未能其一安敢遽膺  
重寄且舊志尤難因仍當時作者雖  
屬鉅公宿儒然多襲臆志之外訛未  
剔且臆志亦襲故剛承天舊志而舛訛  
相承百有餘年矣又自前任程侯脩  
志以來經六十餘年中間人事推遷  
戡異而月不同非博訪老成考證載藉

不能勒成一書用是殫心竭力搜羅遠  
近蓋歷三月之久乃事丹鉛而文獻不足  
其中缺陷不少即相沿之舛訛未能一  
一淨滌也但請之邑侯事以類記類以  
文貫不敢齟齬印版套數耳尚冀後之  
博雅君子訂其謬而補其闕俾得成  
一完書仰副當事盛舉則芻蕘之言

敘

三

庸瑣之筆得附立德立功之人以茲傳  
雖龍鍾野老將與有榮施焉

鄂人李蓮纂



鍾祥縣志修輯姓氏

督修

誥授朝議大夫直隸清河道前湖北安襄鄖下荆南道魯之裕

主修

勅授文林郎鍾祥縣知縣高世榮

纂修

勅封文林郎翰林院庶吉士原任江西南昌縣知縣李蓮

采輯

鍾祥縣儒學教諭鄭家夔

校輯

鍾祥縣監生王用汝

鍾祥縣志卷之一

分校

安陸府學生員劉國樹

鍾祥縣學生員劉福堅

荆門州學生員周依仁

督刊

鍾祥縣舉人蔣鳳騫

鍾祥縣舉人棟選知縣李兆錦

凡例十則

一卷帙次第首輿圖次星紀次建置以下俱依舊志而稍有位置之異者從其類也

一事以類紀類以文聯如建置沿革起自上古分州至今鍾祥成篇務令觀者一目瞭然仿前人紀事本末例也餘仿此

一編年紀月史家之要今志一邑文獻有徵者悉詳載之其無可考者自不必虛懸年號也

一古今世遠陵谷變遷地名水道不盡脗合然山之祖名水之源頭仍從其朔則後之變遷者可加考核志中謬

鍾祥縣志卷之一

凡例

者正之漏者補之疑者仍闕焉

一楚地之名郢者不但徙陳徙壽春非郢都之舊卽渚宮之故都亦不得移於郊郢也舊志亦曾辨及之然人物藝文多有泛以渚宮之郢人與事混入郊郢者亦有以夏口之郢人與事混入郢志者雖疑者未能盡刊已訂正其八九

一鍾邑曩隸南郡又隸江夏郡又隸竟陵郡又隸安州於是以前是以遙隸之故因而闌入外郡之人與事今俱芟之

一盛德大業忠孝廉潔理學文章皆傳人也然有所兼亦有所專茲志但以時代爲次第行實註于其名之下爲兼美爲專長按籍可得不另分門類防掛漏且免重複

好古博雅之士自不資一邑之志也

一人心所以不死人道所以常存者賴有扶植綱常之人也故於明季流寇之難死節之士民婦女加意搜羅卽其詳不可得聞而其姓名猶掛人齒頰概不敢遺蓋一腔熱血聚而間正氣廉頑立懦舍此孰歸但愧蒐羅未周不能無望於後之君子

一世俗貴耳賤目前人藝文卽無關風教者亦必謹爲錄之而後人之作雖足以攷政治之得失徵風俗之盛衰可與可觀且有裨於事父事君之大義者概畧而弗錄就其所錄者又多達官要人縉紳先生尋常應酬有美無規之文之詩是謂穢志又何取焉茲於古人不敢言

鍾祥縣志卷之一

凡例


二

刪刪其不繫乎地方者於今人不敢濫采采其有當於勸戒者


一舊志不可廢也草創之初多因郡志間亦有郡志所無者存之知其所由增亦有今志所無者存之知其所由刪昔宋修唐書新書成當日卽有勿廢舊書之命至今新舊唐書俱傳豈非考鏡往代者所兼資歟

# 鍾祥縣


# 境圖



縣附郭別築城本宜竟書  
 郡城衆議書觀城助与府  
 志棄別且附郭止式縣觀  
 城卽爲縣城猶之府志卽  
 縣城爲觀城耳從之



# 縣城圖





湖北城

拱辰門

陽春臺

院

縣儒學

院學

武廟

安陸府

孟亭

西門橋

春藝街

西教場

社壇

三元觀

曾家橋

都司署

陽春門

奇王廟

火神廟

陽春橋

新堤街

白鶴觀

元佑宮

開橋

漢江

江漢

四

四

鍾祥縣志卷之一

星野攷

周禮以星土辨九州馮相保章不可偏廢蓋謂察星紀以觀妖祥凜天戒以脩人事機動於下象懸於上固有爽者夫一語善而妖移一劍埋而光上勿謂一邑政治不足以感召災祥也按荊州爲翼軫分野舊志以鍾祥爲翼之十度或曰十一度者蓋以明毅宗正德二年世宗誕於郢藩之辰占者謂卿雲見於翼之分野因測其度云爾謹按翼宿二十有二星一曰化宮一曰天都市一曰天除一曰天旌土星也是爲朱雀之翼爲天之樂府主和調音律以御天宮實爲南宮之羽儀文物聲明之

鍾祥縣志卷之一

星野

所豐茂三公化道文籍及蠻裔遠客負海之濱排優狄鞮戲虞之事其北上十有三尺爲日月五星中道其星光明有叙則君明臣賢禮樂興天下平四裔服星暗反是動搖則有蠻裔之使來就聚則天下相伐徙移則三公廢離次則民流失色則日月五星亂行星亡則化道不行文籍壞滅明大芒動則王者用兵征伐四方若使五星孛流客犯大凶又東甌五星在翼之南張衡云主東越南越金守之其地有兵芒角移動兵內叛翼二十二星距中央西第二星去極一百四度東甌五星距西南星去極一百二十九度入張宿七度軫宿四星曰天車主車騎任載盜賊戰伐之事樞宿之象四星爲天府

冢宰之官主察殃咎知凶災水星也主風其右星北上十三尺爲日月五星中道軫東一小星曰左轄西一小星曰右轄左主同姓諸侯右主異姓諸侯軫星明大則法駕車馬備徙移則國有憂就聚則兵起動搖則車騎動轄星欲其近軫去軫近則上下和睦遠則君臣相疑七寸以上爲近一尺以上爲遠軫欲小而明不欲大而明小而明則國祚安大明南與四星等則兵大起微暗則諸侯有憂星芒則四方大不靖左右轄不見國有大憂長沙二星右軫之中主壽命也長沙明則人壽長子孫盛軍門二黃星在西天子六軍之門主營候豹尾威旗占以移其處爲道不通土司空四黃星在軍門南主

鍾祥縣志卷之一

星野

二

土功巫咸云金火犯之天下田不得耕女不得織隋志一曰司徒主界域青邱七黑星在軫東南主東方三韜之國占與東甌同甌南三十二星名器府主樂器之府也明則樂器調理暗有咎軫四星距西北星去極一百三度半右軫星去極一百一十度半入翼宿十六度半左轄星去極一百一度半入軫宿五度軍門二星距西南星去極一百十度半入軫宿十三度土司空四星距西南星去極一百二十度入翼宿十四度青坵七星距西北星去極一百二十四度半入軫宿五度器府三十二星去極一百三十七度半入翼宿八度半翼軫二宿爲四月昏星正月在卯至十二月在

寅按荆州之域亦有屬張宿

### 建置沿革

稽古顓頊氏肇建九州其南曰荆陶唐因之馮汭氏肇十有二州益以幽營并也夏后氏平水土省其三仍爲九州而荆之名不易殷湯奄有九有卽九州也然有虞幽營而無夏之青梁荆州如故也頌高宗之詩曰奮伐荆楚則是楚之名不昉自熊繹分封時矣周職方亦曰荆州當日建國甚衆荆非楚之所獨擅厥後楚子蠶食拓地六千里不獨漢上諸國蓋浸淫於梁豫楊之疆索矣今鍾邑之於荆楚僅彈丸耳然固荆州之域與鄆郡毗近亦必有楚王之離宮焉且積縣成郡積郡成省積省

### 鍾祥縣志卷之一

建置沿革

三

以辨九州安在約之一隅者不必溯厥所自哉但封建變爲郡縣志歷代隸屬沿革斷自初置縣起官茲土者念一邑之關乎一郡一郡之關乎一省且關乎天下必將益懋其治行爲一郡最更爲一省最於以仰佐囊帝若王之

聖治進斯民於渾穆熙皞則志一邑而上溯顓頊唐虞夏商周者豈爲迂遠哉謹按秦自起焚夷陵遂入鄆都改鄆都爲鄆縣乃渚宮地非郊鄆也起師遂至竟陵則郊鄆亦在所并置縣應自此始屬南郡至漢改縣爲雲杜一曰竟陵屬江夏郡東漢因之三國時屬吳爲石城戍魏黃初三年二月吳主孫權以蜀難攻稱臣於魏實未納